

元和郡縣圖志卷第三十四

嶺南道一

嶺南節度使

廣州

都督府

開元元戶六萬四千二百五十九

鄉一百九十四

今為嶺南節度使所理

管州二十三

廣州

循州

潮州

端州

康州

封州

韶州

春州

自春州已下分入下卷

新州

雷州

羅州

高州

恩州

潘州

辨州

瀧州

勤州



崖州

瓊州

振州

儋州

萬安州



禹貢梁州之域春秋時百越之地秦并天下置南海

郡不言南海郡地秦末趙佗竊據之高帝定天下為

中國勞苦釋佗不誅因立佗為南越王使無為南邊

害至武帝元鼎五年遣伏波將軍路博德出桂陽下

湟水樓舡將軍楊僕下滇水咸會番禺誅佗玄孫建

德及相呂嘉遂定越地以為南海蒼梧鬱林交趾九

真日南珠崖儋耳郡按漢南海郡即秦南海故郡也

屬交趾刺史獻帝末孫權以步騭為交州刺史遷州

於番禺即今州理是也孫皓時以交州土壤太遠乃

分置廣州理番禺交州徙理龍編晉氏因而不改義

熙中盧循自稱平南將軍廣州刺史用徐道覆計舉

兵建業軍敗單舸走保廣州為晉將杜慧度所破投

水而死開皇九年平陳於廣州置總管府仁壽元年

改廣州為番州大業三年罷番州為南海郡隋末陷

賊武德四年討平蕭銑復為廣州開皇二十一年又

於邊境置節度經略使式遏四夷廣州為嶺南五府

經略使理所以綏靜夷獠

經略軍南海郡係本州城內有經略

清海軍思平郡管兵一千四百人

桂管經略使始安郡管兵

客管經略使 普寧郡管兵一千一百人

鎮南經略使 安南都護府管兵四千二百人

邕管經略使 朗寧郡管兵一千七百人

州境 東西南北一千二百一十八里

八到 西北至上都取郴州路四千二百一十里取虔州大庾嶺路五千二百一十里

正西微北至端州路五十八十五里 東北至韶州五百三十里 西南至恩州水路六百六十里 西北至賀州八百七十六里 正南至大海七十里 西北至連州八百九十里

貢賦

開元貢 絲布 竹布 蕉布 沉香 甲香 鍾乳 石斛 元和貢 荔枝 煎膽 山薑 餘甘子 辟龜皮 石斛 鍾乳 沉香 甲香

管縣十三 南海 番禺 化蒙 懷集 增城

存水 東莞 新會 義寧 清遠 四會

涇陽 滄涯

南海縣 本漢番禺縣之地也屬南海郡開皇十

年分其地置南海縣屬廣州

番山在縣東南三里

禺山在縣西南一里尉佗死葬於此

南海在縣南水路百里自州東八十里村號曰古斗

自此出海浩淼無際

石門水一名貪泉出縣西三十里平地即晉廣州刺

史吳隱之飲水賦詩之處

州城步隲所築也隲為交州刺史登臺遠望乃曰新城海島膏腴之地宜為都邑遂遷州於番禺建築城郭焉

趙佗故城在縣西二十七里即尉佗都城也  
陸賈故城在縣西十四里賈之來也佗不即前賈故為城以待之

盧循故城在縣南六里循既為宋高祖所破聚其餘黨至自番禺高祖遣建威將軍孫季高振武將軍沈田子力戰大破之

朝臺在縣東北二十一里昔尉佗初遇陸賈之處也

後歲時於此望漢朝拜故曰朝臺

牛臯鎮在縣西北五十里

赤岸戍在縣東百里

紫石戍在縣東七十里

北廡在縣北三里即尉佗之廟也

虞翻廟在縣西北三里翻為孫權騎都尉以數諫爭

徙交州率

海廟在縣東八十一里

任囂墓在縣北三里

尉佗墓在縣東北八里又言佗葬在禺山蓋與此相

連接耳

番禺縣上 北至州十五里本秦舊縣故城在今縣西南二

里縣有番禺二山因以為名或言置在番山之隅開

皇十年改置南海縣即今縣是也長安三年於江南

洲上別置番禺縣取漢名其洲周迴約八十里

化蒙縣下 東南至州四百里本秦四會縣之地也宋元

嘉十三年分四會縣之蒙鄉置化蒙縣屬綏建郡開

皇十年廢郡以縣屬廣州

鉛穴山在縣西六十里出鉛錫

滑水一名綏建江經縣南去縣三十步

懷集縣中 東南至州六百里本漢四會縣地也宋元嘉

中分四會縣之銀屯鄉置懷集縣屬綏建郡開皇十

年改屬涇州 涇州即今廣州 涇州即今廣州二十年廢涇州改屬廣州

驃山在縣東北四十二里多鐵釧百姓資焉

綏建江經縣西南二里

增城縣中 西南至州一百八十里一本漢番禺縣地後漢於此

置增城縣按崑崙山上有閭風增城蓋取美名也屬

南海郡開皇十年屬廣州

猊山在縣東南二十三里多婆娑摩竹園三四尺至

堅里人以為弓弓形如弩

九子嶺在縣西四里

泉山在縣西三十二里其上多漆樹

龜泉在縣西青山有神龜帶銅鑲上此水有穢此水

則便澍雨

石陂在縣東北百五十里溉田餘頃

牛潭在縣東北二十里

泅水縣中東南至州七本漢封陽縣地在今賀州

界蕭齊於此置泅安縣屬廣州至德二年改為泅水縣

齊樂水經縣北百步

滑水在縣北五十里

貢賦南至賓州八十八里  
北至嚴州三百三十里開元貢銀

管縣四

上林

無虞

止戈

賀水

上林縣郭下本漢領方縣地也武德四年分置上林

洞口因以為名

都澧水在縣北一百步

無虞縣下西南至州武德四年析領方縣置屬南

方州改屬澄州

羅富山在縣西北五里

都澧水在縣北一里

止戈縣下東至州八十里武德四年析領方縣置屬南方州

改屬澄州

賀江水一名都泥江在縣北一百九十里

賀水縣下西南至州一百九十里武德四年析柳州馬平縣

置屬南方州改屬澄州

都泥江在縣北一百四十里

橫州下寧浦開元戶一千三百七十八鄉十七

古越地趙佗王越地亦屬之漢平南越置合浦郡今

州即漢合浦郡之高涼縣地也在今高州界晉於合

浦北部置寧浦郡開皇十年廢為縣以屬簡州十八

東莞縣中西北至州三百里本漢博羅縣地之晉成帝咸

和六年於此置寶安縣屬東莞郡開皇十年廢郡以

縣屬廣州至德二年改為東莞縣取舊郡名也里得

寶山在縣東北五十五里

南海在縣西二里

新會縣中東北至州三百里本漢四會地隋開皇十年置

新會縣屬崗州今崗州即義寧縣是也開元二十三年割屬

廣州

利山在縣南百七十里上多沉香木

南海在縣北百五十里

義寧縣

下東北至州五百里

本漢番禺縣之地宋元嘉六年於此置義寧縣屬新會郡隋改屬崗州天寶初廢

崗州以縣屬廣州

天路山在縣西一十六里

清遠縣

中南至州二百四十里

本漢中宿縣地也梁武帝於

此置清遠郡中宿縣屬之開皇十年廢郡置清遠縣

屬廣州

觀亭山一名觀峽一名中宿峽在縣東三十五里縣

昔取此峽為名

四會縣

中東南至州一百四十里

本秦舊縣也屬桂林郡開

皇十年改屬廣州

金山一名金崗山在縣北六十五里出金沙

鷄籠山在縣西二里

浚陽縣

中南至州二百一十五里

本漢舊縣也屬桂林郡在

浚水之陽因名吳屬始興郡開皇十年改為貞陽屬

循州十九年改屬廣州武德元年復改為浚陽

浚山在縣北四十里浚水所出尉佗為城於此山上

名為萬人城

縣西南四十五里山谷新町實禁山

浚陽峽一名阜石山在縣南二十五里崖壁千仞猿

狖所不能遊

興大... 縣界... 東...

漆水一名始興大江北自韶州曲江縣界流入東去縣百一十步

涇浦故關在縣西南四十五里山谷深阻實禁防之要地也

洽涇縣中東南至州五百里本漢舊縣也屬桂陽郡隋開

皇十年於此置涇州縣屬焉二十年廢涇州以縣屬

廣州因縣界涇水為名也地理志含字無水林麻

堯山在縣北四十里

白鹿山在縣東南三十里

涇水自西連州陽山縣界流入經縣南百步

洽涇故城本漢洽涇縣也在今縣東四里

故涇城在縣西二十步

循州上海豐開元戶九千五百二十五

本秦南海郡地漢平南越復置南海郡今州即漢南

海郡之博羅縣也梁置梁化郡開皇十年於置此循

州取循江為名也大業三年改為龍川縣武德五年

復改為循州

州境東西九百八十三里

八到西北至上都取廣柳路四千六百一十里

西北至廣州水路沿沂相兼四百五十里

陸路三百五十里東北至韶州一千二百里

北至虔州一千五百里

貢賦

開元貢元和貢

蚺蛇膽

甲香

藤器 鮫魚皮

藤箱 大魚睛

大甲香 小甲香水馬

歸善

管縣六

歸善

博羅

興寧

海豐

河源

雷鄉

歸善縣中下本漢博羅縣地也宋於此置歸善縣屬

鄣郡梁屬梁化郡開皇十年廢梁化郡以縣屬循州

長山在縣東南百里

寅山在縣東北十五里多出茯苓

南海在縣南一百一十里

河源水北去縣四十步

歸善故城在縣東北七十里

梁化故郡在縣東南八十里

博羅縣中下東南至州本漢舊縣也屬南海郡開

皇十年改屬循州二漢縣立名不一自吳已後復為

博羅

羅浮山在縣西北二十八里羅山之西有浮山蓋蓬

萊之一阜浮海而至與羅山並體故曰羅浮高三百

六十丈周廻三百二十七里峻天之峯四百三十有

二焉事具素彥伯記

浮水出羅浮山

河源水東自歸善縣界流入南去縣一百步

興寧縣中下西南至州七百里本漢龍川縣之地也晉於

今縣西三里置興寧縣屬東莞郡開皇十年以縣屬

循州

六石山在縣西南二里

循江西自河源縣界流入西去縣五十里

興寧江南去縣一百八十里

海豐縣中下西北至州五百里本漢龍川縣地東晉於此

置海豐縣屬東莞郡開皇十年廢以縣屬循州

南海在縣南二十五里

龍山在縣北五十里

河源縣中下西南至州二百三十里本漢龍川縣之地齊於

此置河源縣縣東北三百里有三河之源故名也屬

南海郡開皇十年改屬循州

龍穴山今名龍川山在縣東北三百四十里

循江經縣東南去縣二百步

龍川故城在縣東北水路百七十五里秦龍川縣也

秦南海尉任囂疾召龍川令趙佗授之以政即此處也

雷鄉縣中下西南至州六百里天授二年廣東都督陳崇

業奏置南臨大江

潮州

潮陽 開元戶九千三百二十七 元和戶一千九百五十五

鄉一十六 鄉一十二

今州即漢南海郡之揭陽縣也晉安帝義熙九年於此立義安郡及海陽縣開皇十年罷郡省海陽縣仍於郡廨置義安縣以屬循州十一年於義安縣立潮州以潮流往復因以為名大業三年罷州為義安郡武德四年復為潮州

州境

東西五百三十六里 南北四百八十四里

八到

西北至上都取虔州路五千六百二十五里 西北至東都取虔州路四千八百一十里 西南至廣州水陸路相兼約一千六百里 西南至循州一千五百里 西北至虔州一千五百里 東北至漳州取章浦縣路四百八十里

東至大海一百二十里 南至大海八十五里

貢賦

開元貢 蕉葛布 元和貢 細蕉大

甲香 蚺蛇膽

魚魚皮 魚魚皮

水馬

靈龜散

管縣三

海陽

潮陽

程鄉

海陽縣

郭下

本漢揭陽縣地也晉於此立海陽縣屬

義安郡開皇十年省郡廢海陽入循州十一年置潮

州又立海陽縣以屬焉南濱大海故曰海陽

鳳凰山在縣北一百四十里

大海在縣東南一百一十三步

西津驛在縣西六里

鹽亭驛近海百姓煮海水為鹽遠近取給

官鄣湖在縣東南二十里出名龜以卜勝於含涯龜也

潮陽中下東北至州本漢揭陽縣地晉安帝分東

莞郡置義安郡仍立潮陽縣屬焉以在大海之北故

曰潮陽貞元九年移於今理

獲子山一名龍首山在縣東南五十里

龍溪山今名海寧嶺在縣西南一百七十里

大海在縣西南百三十里

程鄉中下東南至州本漢揭陽縣地齊於此置程

鄉縣蓋分海陽縣立焉屬義安郡開皇十年省十一

年置潮州復立程鄉縣屬焉

西陽山在縣東南四十五里

西陽水在縣南二十三里

端州高要開元戶八千一百四十二

鄉十四

本秦南海郡地漢武帝置蒼梧郡則為蒼梧郡之高

要縣也梁大同中於此立高要郡開皇十一年置端

州大業三年罷為信安郡武德四年平蕭銳五年重

置端州州當西江入廣州之要口也

州境東西南北一百五十八里

八到西西北北取韶州路至上都四千三百三十五里

東至廣州二都百八十四里西至康州二百九十里

東至廣州義寧縣一百五十里至韶州六百四十里

北取廣州四會縣界水路至韶州

貢賦元開和貢銀四錠乳香黃魚春子  
元開和貢銀四錠乳香黃魚春子  
東北至廣州相兼至新州一百八十里

管縣二

高要

平興

高要縣郭下本漢舊縣也屬蒼梧郡有鹽官開皇十

一年置端州割屬焉

石室山在縣北五里

零羊峽在縣東水行三十里吳步騭為交州刺史興

軍取南海衡毅錢博等領兵逆之戰於峽口傳等軍

敗沒水死者千餘人即此處也

青岐鎮在縣東八十五里

鵠奔亭在縣西八里漢交趾刺史何敞辯死女子寃

即此處也

平興縣下

西元至州八十里

本漢高要地也晉末分置平

興縣屬新寧郡開皇十二年罷郡屬端州

漏山在縣東四十里

康州下

晉康元開元戶一萬三千一百五十二

鄉一十六

漢武帝平南越置蒼梧郡今州即蒼梧郡之端溪縣

也晉末於此置晉康郡開皇十二年省晉康郡以所

領縣屬端州大業三年罷州為信安郡隋末陷賊武

德四年討平蕭銑五年置康州

州境東西二百七十九里

八到西北至上都四千五百一十五里

東至端州一百九十里  
西南水路至瀧州一百八十里

貢賦

開元貢 元和貢 銀 蕉布 麻布  
北至霍山一百二十里與廣州化蒙縣分界

管縣四

端溪

悅城

都城

晉康

端溪縣郭下

本漢端溪舊縣也屬蒼梧郡

端山在縣北百二十五里有樹冬榮其子號曰猪肉

子大於盃炙而食之味如猪肉故名也

西江水經縣南去縣五十二步

悅城縣下

西至州八十里

本漢端溪縣地也宋於此置樂

城縣屬端州武德五年改屬康州天寶元年改名悅

城鬱水一名西江水經縣南去縣十步

程溪水東去縣百步

都城縣下

東北至州四十五里

本漢端溪縣地宋於此分置

都城縣屬晉康郡大業二年屬封州武德五年改屬

康州

鬱水經縣西去縣一里

晉康縣下

東至州七十一里

本漢端溪縣地宋於此置安

遂縣貞觀八年於縣置藥州十八年廢州以縣屬康

州至德元年改為晉康縣

連水在縣東五十步東緣

封州臨封開元戶五千六百五十三元和戶八百一十一

鄉七

秦為南海郡之地漢平南越置蒼梧郡今州即漢蒼梧郡之廣信縣地也梁於此置梁信郡屬成州開皇十年改為封州大業三年罷州以縣屬蒼梧郡武德

四年復置封州

州境東西一百二十八里南北二百八十九里

八到西北取梧桂州路至上都四千三百八十五里西北至東都四千一百二十五里

東南沿流至康州一百二十里西北泝流至梧州五十里北至賀州陸路三百九十里水路六百四十里

貢賦開元貢蕉布落麻布元和貢銀

管縣二 封川 開建

封川縣郭下本漢廣信縣也梁於此置梁信郡開皇

十年改為梁信縣屬封州十八年改為封川縣皇朝

因之

古鬪山在縣西十三里

封溪水經縣北去縣十五里

開建縣下南至州一百七十里本漢封陽縣之地宋文帝分

置開建縣屬臨賀郡開皇十年改屬連州武德四年

改屬封州

鼠石在縣東北二十四里傍有三穴皆容人居止其

石上時多石斛石高五十丈週迴五里  
臨賀水一名封溪水經縣西去縣十五里

韶州始興

開元戶二萬七百六十四  
元和戶九千六百六十六

鄉四十一  
鄉四十一

秦南海郡地漢分置桂陽郡今州即桂陽郡之曲江

縣也後漢置始興都尉今州即都尉所部吳甘露元

年初立為始興郡梁承聖中蕭勃據嶺南於此置東

衡州開皇元年平陳改東衡州為韶州取州北韶石

為名十一年廢入廣州十二年自今南海縣移廣州

理曲江之廢韶州城即今州理是也仁壽元年改廣

州為番州大業二年又自今始興故鎮移番州治南

海縣今廣州理是也三年以番州為南海郡隋末陷

賊武德四年平蕭銑重於此置番州貞觀元年改為

韶州復舊名也

州境東西六百二十里  
南北四百五里

八到西北至上都取柳州路三千六百八十五里取虔吉州路至上都四千六百八十里  
西北至東都取柳州路三千四百二十五里取虔吉州路二千八百七十里  
南至廣東水陸相兼五百三十里  
西北至郴州陸路四百一十里  
西至連州山路險峻五百里

貢賦開元貢  
元和貢

麻布  
鍾乳  
竹布一十五疋  
鍾乳五兩  
蘭桂

管縣六 曲江 始興 樂昌 翁源 湏昌

仁化

曲江縣郭上下本漢舊縣也屬桂陽郡江流迴曲因以

為名吳置始興郡縣屬焉隋置韶州縣屬不改皇朝因之

靈鷲山在縣北六里

玉山在縣東南十里有採玉處

銀山在縣西二十二里出銀

韶石在縣東北八十五里兩石相對相去一里石高

七十五丈週迴五里有似雙闕名韶石

牢石在縣東六十里石高七十丈週迴二十一里色

備五彩狀若樓觀上多零羊

王城一名故郡城在縣南六里地勢險固晉義熙初

盧循尅廣州循將徐道覆移始興郡據此城

湏水在縣東一里元鼎五年征南越樓舡將軍下橫

浦入湏水即此水

始興縣

下西南至州一百九十四里

本漢南海之地吳於此分

置始興郡隋改屬韶州皇朝因之

大庾嶺一名東嶠山則漢塞上也

在縣東北百七十二里從北至水道所極越之北疆也

越相呂嘉破漢將軍韓千秋於石門封送漢節置於塞上即此嶺本

名塞上漢伐南越有監軍姓庾城於此地衆軍皆受

庾節度故名大庾五嶺之戍中此最在東故曰東嶠

高一百三十丈秦南有五嶺之戍謂大庾始安臨賀桂陽揭陽縣也

邪階水今名階水出縣東百三十里近水有邪階山又有修仁水出縣東北東嶠山仍有三楓亭五渡水齊范考龍為始興守至脩仁酌水賦詩曰三楓何習習五渡且悠悠寧飲脩仁水不挹邪階流

安遠鎮在縣東北百五十里

樂昌縣中東南至州一百四十里本漢曲江縣地也梁武帝

分曲江置梁化縣屬始興郡開皇十年改屬廣州十年改為樂昌縣武德中改屬韶州

藍豪山在縣西北一百九十里廣五百里崖嶺峻阻所謂瀧中即此也

滄湖在縣東南十里周迴三十五里南通瀧水

任囂故城在縣南五里秦楚之際南海都尉任囂因中國方亂欲擾嶺南故築此城以圖進取囂死此城尉佗因之遂有南越

翁源縣下西北至州一百八十里本漢浚陽縣地在今廣州

界梁承聖末蕭勃分浚陽立翁源縣因縣界翁水之源為名也後因不改貞元元年刺史徐申移於今理翁水出縣東北一百四十里

松泝水與滇水合經縣南二十步

滇昌縣下西南至州陸路光宅元年析始興北界

置滇昌縣北當驛路南臨滇水


大庾嶺在縣北五十六里

仁化縣下南至州陸路垂拱四年分曲江縣置仁


化縣

元和郡縣圖志卷第三十四





以下白页



程